

Ilaqtariinnermut, Kultureqarnermut, Ilinniartitaanermut,  
 Ilisimatusarnermut Ilageeqarnermullu Naalakkersuisoq Tommy Marø  
 /MAANI

## Kulturikkut eriagisassat eqqissisimatitaanerat pillugu Inatsisartut inatsisissaattut siunnersuut (UKA 2007/36).

Asasara Tommy Marø,

Ataatsimiititaliami suliarinninnermut atatillugu inatsisissatut siunnersuummut (UKA 2007/36) siuliani taaneqartumut Inatsisartut Kultureqarnermut Ilinniartitaanermullu Ataatsimiititaliaat arlalinnik apeqquteqassaaq.

1. Inuit nammineerlutik annikinnerusumik nunami assaaneranni qanganisarsiornermi misissuinerit landskarsimit aningaasalersorneqarsinnaasut inatsimmi § 10, imm. 4-mi allassimavoq. Aatsaalli taamaaliortoqarsinnaalluni aningaasartuutit "naleqqutinngitsumik artukkiissappata". Taamatulli oqarneq ersarissumik paasineqarsinnaasunngorlugu inatsimmut nassuiaatini nassuiaatigineqarsimanngilaq, tamannalu amigaatitut isigineqartariaqarpoq. Apeqqummut tassunga Naalakkersuisunut ilaasortap oqaaseqaateqarnissaa ataatsimiititaliamit kissaatigineqarpoq. Oqaatsit taakku erseqqjulluinnartumik nassuiarneqarnerannik akissuteqaat ilaqartinneqassasoq kissaatigineqarpoq. Kiisalu aalajangersakkamut allannguutissatut siunnersuummik Naalakkersuisunut ilaasorta saqqummiussilersaarnersoq paasissutissiissutigineqassasoq kissaatigineqarpoq, taamaalilluni taanna erseqqinneruleqqullugu.
2. Sanaartornermut atatillugu najugaqarfiusimasumik eriagisariaqartumik kulturikkulluunniit eriagisariaqartumik allamik nassaartoqartillugu, tamatumalu nassatarisaanik nunaminertami allami sanaartortoqartariaqalersillugu sanaartortitsisut, taakkunungalugu ilanngullugit suliffeqarfiit anginerit kommunillu landskarsimit taarsiivigitinnissamut qanoq periarfissaqarpat?
3. Qanganisarsiornikkut misissuinerit ingerlanneqarnerannut aningaasartuutit sanaartortitsisumit imaluunniit nunami assaaneramik akiliisussamit akilerneqarnissaannik inatsisikkut peqqussuteqarneq qanoq pitsaaquteqartutut Naalakkersuisunit isigineqarsimava?
4. Qanganisarsiornikkut misissuinerit qaammatit 18-it ingerlaneranni naammassineqareersimanissaannik killiliinissaq siunnersuutigineqarpoq, tak. § 10, imm. 2. Aalajangersakkap tamatuma marlunnut avinneqarnissaa

Ulloq/Dato:  
 19. oktober 2007  
 Sags.nr.  
 01.39.01.29  
 Inatsisartu4  
 Allattoqarfiat /  
 Landstingets Bureau  
 Postboks 1060  
 3900 Nuuk  
 Oq/tel +299 34 50 00  
 Fax +299 32 46 06  
 Landstinget@gh.gl  
 www.nanoq.gl

pitsaaqutissartaqartut Naalackersuisut isigaat, taamaaliornikkut qaasuitsup killeqarfiata kujataani killiliusseq qaammatinik 12-inik sivilissuseqassalluni qaasuitsullu avannaani killiliusseq qaammatinik 18-inik sivilissuseqaannassalluni? Tamatumani ilaatigut pissutaalluni Kalaallit Nunaata avannaani kujataanilu silaannaap assigiingissuseqarnera.

Tamatumunnga atatillugu ilassutitut oqaaseqaateqarnissamik akissuteqarnissamilluunniit Naalackersuisut kissaateqassagaluarpata taakku kalaallisut danskisullu kingusinnerpaamik ulloq 20. oktober 2007, nal. 12.00 ataatsimiititaliamit tiguneqareersimanissaat qinnutigineqarpoq. Ataatsimiititaliap Naalackersuisunit ilisimatitsissutigineqartunik misissuisinnaanermut periarfissaqarnissaa qulakkeerumallugu kiisalu siunnersuummik suliarinninnissaq eqqarsaatigalugu taamatut piffissaq annikitsigisoq atorlugu akissuteqarnissamut piffissaliineq pisariaqartutut isigineqarpoq. Naalackersuisut akissutaata qarasaasiakkut uunga [ahni@gh.gl](mailto:ahni@gh.gl). nassiunneqarnissaa kissaatigineqarpoq.

Ikinngutinnersumik inuulluaqqusillunga

Kristian Jeremiassen,  
Ataatsimiititaliami siulittaasoq